

Laisiangthou Bulphuh

Pilna lungtang ka neih lawh hial nading un, ka damsung nite uh simdik dan hon sinsak in.

Psalm 90:12.

Thumna Makai

>Tukum 2017 sung a lam tuamtuam a vualzawlina simsensing louh mimal, innkuan leh saptuam te'n I tan te ziak in Pathian kiang a kipahtu gen ni.

> December kha a Amah min thupina dia sep leh bawl, kizatna I neihte ziak in Amah (Pathian) kia in Thupina tang hen la, sepkhelh/val omleh a ngaihdamna ngen in thum ni.

> Damlou a ki kem lel te thumna in delh zuizel ni. Toupan amaute damna leh hatna a piak ding ngetsak ni.

> Christmas lopna program buaina omlou a zat ahihtheihman in kipahtu gen ni, Kipahtugenna programme leh kumthak zatna di hun I gelte' thumna in phawk ni.

> Pathian vualzawlina I donte tungtawn a thilpiak pemite ziak in kipahtu gen ni.

> Mission field mun tuamtuam a Pathian nasem a omte bah leh nguitak a om hun ua le Pathian in Khasiangthou thopna thupitak toh a zatzel ding ngen in thumsak ni.

> Tangthupha lam tuamtuam a phuanzakna TV, Media tuamtuam, Radio, a gelh a gelh thoh leh sakkhiak thohte Pathian vualzawlina a manpha leh gahsua ahihtheih zelna ding in thum ni.

> Tukum tawntung hon pi hon huai I Pa Pathian kiang kipahtu gen in, Pathian lung I tuah zohlouhnate ah thupha tawi in ngaihdam ngen ni.

> Tu 2017 kum adia ni nanung pen hon muhsak ziak in kipahtu gen in kum thak 2018 buaina omlou a izat theihna ding in Pathian kiang ah ngen ni.

> Nipini nawn biakna hunseh kigelte, manphatak a zat ahihtheihna ding in tanneite leh mipite - Toupa khut hat a kilan in kikhop theih sawm chiat ni.

PAPI NUNGZUIHNA CAMP '2018

"Mi Kipumkhek Suakta Un" Romte 12:2

Amun : EBCC Delhi Biakinn

Ahun : February 07 - 10, 2017

Thugen : Evan. T. Damkthothang

Registration Fee : Rs 200.00 (January 21, 2018 tan a bawl/piak theih)

Bawl Theihna munte : Pastor N. Tuang Lang/9811-34-3689

Pastor H. Biakson/9711-86-4037

Upa H. Kam Suanthang/9968-27-0231

HIAI CAMP A TOUPA VEHNA LAMDANGTAK TANG DING IN TEL IN.

HIAI CAMP LOHCHIN LEH GAHSUAH NA'NG IN THUM INLA, PIA IN!

NA PASAL, NA PA, NA SANGGAM LEH LAWM IN; HIAI CAMP A

PHATTUAMPIH NA'NG IN THUMNI

TUNI BIAKNA HUNZEK

09:30 AM : Counselling Hun

11:00 AM : Tunj - ZINGLAM BIAKNA KIKHOP

KUMLUI KHAKNA PROGRAMME

KIPAHTUGENNA KIKHOP

Biakna & Phatkawmna : WTmakaih in.
Thilpiak Latna : Upa H. Kam Suanthang
Pem Lakutna : Secretary, TBSUC
Thumsakna/Thugenna : Pastor N. Tuang Lang
Kipahman Hawmna : (I) Nipi Skul Exam
(II) BSI/BIIS Certificates
(III) Prayer Cell Convenors/WT/Media cell & BCD Staffs.

Biakna & Phatkawmna : WT makaih in.
Hunkhakna & Vualzawlina : Upa G. Damsawmthang

KUMLUI KHAKNA LEH LENKHAWMNA

Kikhop Tawp Apan Biakinn Basement

Hunkem : Pastor H. Biakson
Mimal Kilat Khiakna : Hunkemtu Makaih
Lenkhawmna : Khuangpute Makaih
Kipahtu Genna leh Hunkhakna : Upa Ngulminthang

Khuangpu dingte: 1) Upa T. Songzalian 2) T/Upa K. Ginkhankam
3) T/Upa Suakzathang Nunthuk leh 4) Pa Robert Suanlian

La gen/vek dingte:

1) Nu Mankhodim 2) Nu Thuamkhoman & 3) Nu Muanching Ngaihte

MIDNIGHT SERVICE: KIIPIAK KHIKNA KIKHOP

31 December | EBCC Delhi | 09:30 PM - 12:30 AM

Program Coordinator : Program Department, BYF
Hun honna : Upa H. Zabiak
Phatkawmna : WT makaih in
Kilatkhiakna : Pastor H. Biakson
Open Sharing : A ut ut
Kumlui Khakna & Kumthak Vaidawmna : Pastor N. Tuang Lang.

KUMTHAK 2018 PROGRAMME

01/01/2018; 02:00 PM - 05:30 PM

BIAKNA & LENKHAWMNA

Biakna leh Phatna : Worship Team makaih in
Thilpiak Latna : Upa Thangkhosiam Tonsing
Kumthak Thupuak/Chibai : Upa T. Thianzakham, Local Vice Chairman
Special No. : BYF & BCD Heutute
Thumsakna/Thugenna : Pastor N. Tuang Lang
Phatkawmna Nanung : Worship Team makaih in.
Hunkhakna/Vualzawlina : Upa G. Damsawmthang

Note: Kumthak ah lenkhawmna a tuam a kisawm tuan lou in, biakna kikhop pen sawt deuh zat a, Worship team makaih a lenkhawmna leh lasakkhawmna hun a zat ding a ki gel ahi.

CHRISTMAS HAMPHATPIHTE' HINKHUA (Luka 1:46; Matt. 2:12)

Pastor H. Biakson

Khristmas hong tung pan I sak leh a zangzou I na hinawnta uhi. Ahi a, a ni (December 25) zaw a poimohpen ahikei a, I hinna leh lungsung a Lemna Kumpipa a pian gige, a lal gige ding ahi zaw, tua tuh Khristmas diktak hizaw ding hi. Ahihleh Khristmas program hunpi saptuam in I bawlpn, Toupa' vualzawlina leh a Kha' vehna toh zangzouta ihihman in, hiai Khristmas in nang leh kei' hinkhua ah bang lamdanna a neillele ale? Khristmas masapen hunlai a na hamphatpihte' hinkhua tungtawn in sinlai lakhawm ni maw.

1. Pathian Pahtawi Hinkhua a nei uh: Hiai tuh, Mari' hinkhua ah Chiangtak in I mu thei hi. I Hondampa pianna nu hiding a nakpi tak a deihtuam (favoured) nu ahi. A hampaha ngei mai! Ahi a, a thumal I utsut Chiang in, amah hampahatna tan zahzah leh, deihsakna a tan zahzah en le I tangchiat chih I mangilh louh ding ahi. Hiai a deihsakna tuh "hehpihna" I chih thumal toh kizawitawn ahi. Pathian' hehpihna/deihsakna, Mari tung a tung bangbang in eite leng hon ban ana hi hi. Tua deihsakna a tan thupilua sa in, "Toupa' sila nu ka hi, na chih bangbang ka tung ah tung hen!" chi'n Toupa' thumanna ah sikha bang in na kitahlut hi. Tuabang a kitahlut Chiang in, Amah hi nawnta lou in, Lemna Lal in a hinna a vaihawm in, a hinna pumpi tuh Pathian pahtawina hinkhua hong hi thei hi. Tua toh kiton in, Toupa a kipahna dimlet hinkhua nei hihdan hon phuang khia hi. Unau, Khristmas hampahatpihte' hinkhua zaw kilamdang ahi. Tutung Khristmas akipan in na kha ah kipahna thak na ngah hiam? Toupa pahtawi hinkhua I neih beh hiam?

2. Hinkhua kikhek in, lamthak a zui uhi : Hiai tuh Mipilte' hinkhua ah I muthei hi. A himhim in, bang a hiaite' pilna? Thutak zong teitei, muh tum teitei, thutak a muhma uh khawlsawm hetlou a , a manpiak dingteng pengap a a zonna un a musak a, mipil diktak a suah hi. Tua a muhtheihna ding ua poimoh tuh amau' pilna leh theihna mai hilou in, "Lamhilh Aksi" "A' Aksi" pina a zuihna ua kinga ahilai hi. Tulai in, tampite'n thutak zong taktaklou, muh leng sawm lou, zakkhak tei dan, simkhak ve teidan mah kisaktheihpih in, a theipen hih a sawm uhi. Hiai tuh haina chikhat ahi. Pathian om taktak hiam, chihte na ngaihtuah lai a, zongtaktak lou a mi' laigelh khenkhat lel khong a kihih lungkim a thei kisa na hihleh, mi hehpihhuai na hi. Na theih leh muhchet taktak na dingin, na muhma tan khawllou a na zon a, a manpiak ding omteng na piak ding ahi. Huchi'n, Pathian in a chih bang in, "Lungtang tengteng a I zon Chiang in" Amah I mu ding a, A Hotdamna Jesu Khrist toh ikituak ding hi. Tua Jesu Khrist toh na kituah vanglak Chiang in, na hinkhua lampi teng hon kheksak ding hi. Na thil etdan, na hinkho lampi tot leh na ut leh deih tanpha hong kikhek ding hi. Mipilte'n tuh Herod in Amah kiang a thil omdan va hilh nawn ding in thu pe mahleh, Jesu toh kituak khinta ahihziak un, kumpi' thuneihna natawn leng lau lou in, lamtuam ah a pa'ita uh hi. Tutung Khristmas zoh in, hinkho lui lampi nusia in, lampi thak na tawnta hia? Na thil etdan leh utdan Lemna Kumpipa'n hong kheng na hiam?

3. Khamuanna leh tawldamna anei uhi : Hiai tuh Simeon' hinkhua ah a kilang hi. Amah tuh Jerusalem a teng, Israelte' Khamuanpa ding ngak gige, Khasiangthou' ompih mi ahi. Khasiangthou' ompih mi ahimah bang in, Khrist hong piang ding a mit a a muh masiah silou ding a Kha Siangthou in a hilhpa ahi. Hampa hina e maw! Toupa lamena a ngak ngitngat te zaw zahlak lou uh eive maw! Toupa' Kha ompih theihmi ana hihna ding in aman bangzah pia in, a kikem siangthou dia le? I gen utpen ahihleh, lamentak in Toupa ana ngak a, a mit mahmah in a mu a, a ang ah a pomlai hi. Hampa! "Ka Toupa

aw, na thu bangzel in na sila khamuangtak in hon paisak in... ka mitte'n Na Hotdamna a muhtak man in" chi'n lungsung a kipahna dimlet toh a thum khia hi. Hotdamna muta, a ang a pomta ahihman in, khamuanna leh tawldamna in a dim a, leitung ah bangmah khiaklah ding leh lauh ding a nei nawnkei a, a lungkimta mahmah hi. Khristmas hampahatpih hoih na lawmlawm e maw! Unau nang leh ke'n Khristmas I zat zelna ah, hiai bang a Jesu muhna kichian, Amah Lal leh Hondampa ding a pomna kichian nei in, sih khamuanna, tawldamna leh lungkimna thuguk I neita hiam?

4. Khrist' Tanchinhoih a genthang semsem uhi: Hiai tuh Belamchingte' hinkhua ah I muthei hi. Angel in a hilh bang ngei in a pai mengmeng ua, Naugek Jesu ava mu ua, Amai ah kun in a bia uhi. Tua a Hondampa uh Jesu Khrist mu a, a biak khit Chiang un a hinkhua ua hong kilang khia tuh Hondampa Jesu' thu midangte kiang ah a gengen uh chih ahi. Hiai a "gengen" kichi in lung hon khoih mahmah hi. A thilmuh uh thupi salua, manpha salua, lamdang salua, kipahpihluah uh, chihna ahi hi. Tuaban ah, tawpsan lou a huai thu mah paina lampeuh a gen, hinpih chihna zong ahi hi. Unaute, "Mang' lungkim kum hun lungdamhuai hotdamna, eite'n a I tan tuanzaw I hampaha ngei e" chi a kipah mahmah lai in, a za nailoute, a thei nailoute zaksak ding leh theihsak ding tuh I mohpuakna uh ahi hi. Hiai Khristmas in a gahsuah ding a poimoh, a loutheilou ahi. Khrist hong pian thu van angel in a hon gensawn a, belamchingte'n ana zakha ua, tuate'n gensawn zel in, midangte'n hon thei ua, ei tanpha in I na za hi. Belamchingte'n ana gensawn hetkei le uh bang a chi dia? Tanchinhoih gen tuh poimoh mai hilou in, hinkhua leh kampau a gen mengmeng ding thu kipahhuai ahi. Unau, tutung khristmas akipan na kipiakhakna ah hiai thangthupha gensawna a panlak thak ding atelkhak kei leh, bukimlou ding hi. Telsak in, Khrist tanchinhoih puangzak semsem ni.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi Main Branch, Parliament Street,
New Delhi - 110001,
IFS Code SBIN0000691

Email: finance@ebccdelhi.org leh

Mob. No. 9818687331 ah piakna details theisak zel le kichian mahmah ding.

Thil piak tuamtuan I piak zel te receipts I piak na mun a lak theih zel ahi chih iki zasak ahi.

DEPARTMENT CHIH KUMTAWP REPORT 2017

TBSUC KUMTAWP REPORT (APRIL 1 – DECEMBER 31, 2017)

- Moonlight Ministry** (Paul Pauzakham) toh sephkawmna: Hun paisa a Memorandum of Understanding (MoU) ki sign zel pen tukum January 1, 2017 apan in a lemtang zaw ding etna in MoU sign nawnlou in kumkhat sung sephkawmna din Rs. 1.2 lakh bikhiah in kha 3 hal zel a panpihna Rs. 30,000/- piak touh zel hita hi.
- Caretaker:** Contract basis a kum 2 period adia kila zel ahah dungzui in hiai toh kisai a Recruitment Rule pansan a kiphuan Recruitment Committee tungtawn in kum 2 sung (w.e.f. April 1, 2017) a ding in Mr. Suankhanmuan laak ahi.
- IGL connection:** Biakinn mun a ding IGL te apan piped gas connection saifel hi a, October 14, 2017 in Rev. Paukhanmang Guite, Dir(Mins), EBC in Pathian kiang a latna nei hi.
- Departmental Election neih hita** – Kum 3 term adin (01.04.2017 to 31.03.2020): TBSUC, TBDFC, TBMC a vaipo ding member 15 chiat leh kum 1 term adin (01.04.2017 to 31.03.2018) TBYFC member ding mi 15 tel ahi.
- Departmental Advisors (Pastor te):** Pastorte' nasepda lemtang zaw leh lamzang zaw ding khualnain Advisor ahahna uh department te hiai bang a hawmsak ahi: Pastor N. Tuang Lang – TBDFC & TBMC leh Pastor H. Biakson – TBYFC & TBCDC
- Upa ngetna: Upa ordain 3 teel theih nading ngetna HQ a ki pia**, 2 teel theih na phalna hon pia uh; huai pansan a teelna neih tungtawn in 2 (nih) – T. Songzalian & H. Zabiak – teelching hi ua, amaute'n EBC Khawmpilian 2017 sung in ordination lata uhi.
- Saptuam' Silver Jubilee lopna** – EBCC Delhi Kum 25 chinna Silver Jubilee Pathian tung a kipahtugenna hunzat June 21-25, 2017 sung manphatak a zat in om. Main event pen June 24 in Siri Fort Auditorium ah kizang a, hun dangte biakinn tuamtuam - EBCC Delhi, EBCC Central Delhi, Methodist Church (RK Puram) – chih te ah kizang hi.
- Silver Jubilee gahsauh:**
 - GBC, New Lamka a Laisiangthou sin lunggulh, ahahhang a khosak haksat ziak a mahni a kichawm zoulou sinlai (student) mi 3 kum 5 sung chawmna piak dia thupukna kila sepsuahna pailin a kumkhatna a ding panpihna ki pekkin ta (in 2 instalments).
 - Tukum apan kum 5 sung beek "Jubilee Endowment Workshop" chih minvuah a EBCC Delhi Silver Jubilee thupi: "Toupa Lamtuh Saptuam" (Matthai 16:18) pansan a workshop pichingtak kumteng a neihzom touh ding chih thupukna kila toh kisai in mohpuakna Ministerial Committee (MC) khut a ngak ahi.
- EBC HQ apan ngetna bang in Missionary Conference-cum-EBC Missions Golden Jubilee (MiCoGoJ-2017)** lopna program (Nov 30 – Dec 3) a zat ding customized paper cup 10000 EBCC Delhi in ki sponsor.
- Pastor Chinjemvel in amau' organisation 'Grace For All Ministry' phungvuhna dia GFAM (2018) Calendar zuaksak dia hon nget copy 100 ki zuaksak a muhkiak Rs. 10,250/- ki peta.
- EBCC Aizawl in September 12-14, 2017 sung Silver Jubilee a lopna hun uah Pastor N. Tuang Lang in va uap in EBCC Delhi in kipahtuhna a ikhak uh Rs. 5000 va pia.
- Eimi Chandigarh a omte'n EBC min a Pathian biakkhawmna ana pat uh kum 1 chinna Pathian kiang a kipahtuh genna program zatna (Nov 13-14) uap dia hon chial bang un Pastor N. Tuang Lang makaih in ei saptuammi bangzah hiam in va uap ua, kipahtuh etsakna in EBCC Delhi apan Rs. 10,000/- va pia uh.
- EBCC Dimapur in November 26, 2017 a Silver Jubilee alopna program hun sung uah EBCC Delhi sik-le-tang in Upa (Dr) Langkham in greeting va gen.
- Saptuam' car thak: Saptuam vanzat poimoh car thak (Maruti Alto-800 VXI) 'Vehicle Ministry' tungtawn in 29.8.2017 in leikhiak ahi. Down payment a Rs. 1,40,830/- pia in, abang teng Bank loan EMI @Rs. 6743x36 (i.e. Rs. 2,42,748) piak touh ding omlai.
- Budget toh kisai:** Tukum (2017-18) adia budget ah TBSUC muhkiak ding a kiguang Rs. 53,75,107 lak ah tunitan in Rs. 35,59,562 kimuta in Rs. 18,15,545 in samlai hi. Zatkhiak ding a tuat Rs. 56,84,863 lak ah Rs. 34,01,519 kizangta in Rs. 22,83,344 in samlai hi. Sawm-a-khat muhkiak

dia tuat Rs. 1,08,00,000 lak ah Rs. 84,60,338 kimuta a, Rs. 23,39,662 in samlai hi.

16. **EBC Complex Delhi:** Delhi a EBC Saptuam 2 te leh EBC HQ pangkhawm a project paitou lel toh kisai a saptuam milip nitha thoh ding chih toh kisai a tunitan a donkhiak EBCC Delhi apan Rs. 1.08 lakh vel phata; maban saupi omlai.

17. **GBC/BSI/BIIS Phungvuhna:** Tukum sung in GBC phungvuhna Memorial Gift, Anniversary Gift, Annual leh Life Membership pia mi 11 om a, student support bawl mi 14 om hi. Bible Society of India (BSI) ah Junior/ Annual/Life Membership leh Bible Missionary chih te a phungvuhna pia mi 14 om a, Bibles International India Society (BIIS) ah Patron/Life Member leh Prayer Partner chih minvuah a phungvuh mi 43 om hi.

18. **Dan Siangthou a kiteng:** Tukum sung a saptuam theihpih a dan siangthou a kitenna nei mi 6 om.

19. **Thununna piak/Lakkiak:** Tukum sung a saptuam in thununna apiak mi 4 om a, thununna alakkiak sak mi 6 om hi.

Ministry Report

(01.04.2017 – 31.12.2017)

Thupi : SAPTUAM THUPI: DIKTATNA A KILAMTHAKNA

Thupi : SAPTUAM THUPI: DIKTATNA A KILAMTHAKNA

Worship Team in April 1, 2017 a "Gal khat lam I kai ding uh" chih thupi nei a Tha Kipiaktuahna hunzang ua, "Kitundingtuahna" chih thupi zang in Orientation leng nei uhi. Ban ah Nov. 4, 2017 a "Thu-um mite etteh ding in kibawl zaw in" chih thupi zang a fellowship nei. Dec. 2, 2017 a ZCF-Delhi sai "Joint Advent Christmas cum Live Worship Service, Mount Carmel School, Anand Niketan ah vatel.

Departmental Joint Fellowship/Workshop 2vei neih ding sawm lak ah 1 vei kineita.

EBCC Central Delhi in kum 7 chinna a lopna uh leh EBCC Chandigarh in kum 1 chinna a lop uh saptuam member tamtakten va uap thei. Ban ah Pastor N. Tuang Lang te inkuan in Chandigarh ah Khristmas va zang uhi. BCD heutu leh naupangte a dia Ministerial Committee in sep ding nna kiguan bangbang hoihtak in semsuh vek ua, Amau report ah a kimzaw in et theih ding hi. Nurse-te toh kithuahkhawmna leh thumsakna hun zat ahah ban ah Tuailaite a bawngbawng a kithuahpih/hanhawn/thumsakna hun zang in Sepna zongleite, College & University sinlaite, Private sector a sepna neite toh hunzatkawm ahi.

Khateng a Nipini masa zing Ann-ngawl Thumna neihzom zel ahi. Ankuang Siangthou umna kha 2 hal in kinei hi. Nipi Skul Sinlai test 3vei kinei a, final exam leng kineita in mi 15 in honours certificate sangban uhi. Rev Paukhanmang Guite, Director (M) toh doctrine kisinsakna hun Oct. 15, 2017 a zatkawm ahi.

August 26 & 27, 2017 in Youth Co-ordinator Rev. N. Pumsuanmung toh Gospel Music Festival a kizang hi. Rev Nengzakhup, Director, NECTAR toh Workshop on Practical Missions and Tent Making Ministry, May 6 & 7, 2017 a neih ahi.

Bible Sunday Sept. 24, 2017 in Bible Society nasepna a kichialpina in kizang hi. GBC, BSI leh BIIS te toh pangkhawm a Bible sintute huhna leh Bible thehzakna lam ah panla ding a kihasotna hun zat ahi.

Table Ministry chi a kikhoptawp chiang a singpi dawnkhawmna sutzop ahi. Electronic Media (Website) ban ah print media (Dew & Gamchiam) tungtawn in nasepna paitou zel hi. Saptuam Annual Report booklet bawl ahah ban ah brochure leng bawl ahi hi.

Kuki Worship Service apan Silver Jubilee lopna Lapawl/Special item toh uap dia chialna leh leh Jury Panel a pang dia hon nget uh va sepsuah ahi.

Pastor Lalpi Guite, Canada leh a teamte toh hun manphatak Nov 4-5, 2017 in zatkawm ahi. Pastor Ramkhaning, Pastor Chin Jemvel, Evan Paul Pauzakham leh Mr. LB Muan te leng thugenna hun kipia in hong zangthei uhi.

Tuni tan in, Nipini teng in biakna kikhop kinei suak vek a, hun tamzothamte ah nihvei ngen kikhopna kinei hi. Saptuam Ni poimawh or Day tuamtuam te hoihtak in kizang thei chiat hi. Khristmas pen Seppatni ahikhak man in, ama kiginni nitak apan in programe kizang tou hi.

Tukum saptuam pumpi Prayer Cell 30 leh upa bial 12 in kikhenzak hi. TBSUC in MC nasepna ding in Rs 10 lakhs koihsak a, tuate lak ah Rs 4,56,299 kizangta hi. Tukum sung in Naulat 15, baptistna tang 04, sivui 1

(naungek piangtung), suunna hun zat 11vei phata hi.

Jan – March 2018 kikal a sep ding omlaite:

1. Public sector a sepna nei tuailaite toh kithuahkhawmna
2. February 07-10, 2018 sung a Papi Camp neih ding
3. Mission nasepna a kichialpina a January 21, 2018 pen Mission Sunday a zat ding,
4. March 03, 2018 a Departmental Joint Fellowship 2veina & nanungpen zat ding.

TUALSUNG BAPTIST MISSIONS COMMITTEE ACTIVITIES REPORT

Period: 1st Apr 2017 – 31 Dec 2017

TBMC in tukum 2017-18 sung a Ministry Year Plan a guan a omte sepsuah sawm in pan kila hi. Pathian piina leh Saptuam mipite' kithuahpihna toh, tuni tan a Year Plan ki semsuahte anuai a bang ahi:-

A. MISSIONARY DAY 2017 (MAY 6 & 7):

TBYF te toh kithuah in, ni 2 sung zatna kinei hi. Thugentu in Rev. S Nengzakhup, Exe Director, NECTAR, Shillong pang hi.

May 6 sunma in "Workshop on Practical Missions and Tent Making" chih kisinsakna hun a zang in om a; nitaklam in "Interaction on Effective Witness for Christ" chih thupi a nei in kikapna kinei hi.

May 7 zinglam leh Nitaklam in "Kei Hon theihpihte na hi uh" (Nasepte 1:8) chih thupi zang in Missionary Day Biakna kikhop kizang hi.

Missionary Prayer Card – Missionary Day ni a patkhiak (Launch) ahi. Laidal lianlou a Missionary 3 min gelh in om a, tuate khateng a Pathianni nihna Biakna kikhop hun a mipi kianga kihawm in, tua missionary atangkak chiat uh thumpih hi zel hi. Hiai tuni tan sutzop ahi.

B. EBCC DELHI SILVER JUBILEE (JUNE 21 – 25, 2017):

TBMC in Silver Jubilee zatna hun ah, a ni nanung pen (June 25) in Bible Action lahna kinei hi.

C. MiCoGoJ 2017 THUMKHAWMNA:

I Saptuam in Missionary Conference-cum-EBCC Missions Golden Jubilee zatna Nov. 30 – Dec 3 sung Lamka a zatna diing toh kisai a, EBC bial pumpi dakkal 4 sung thumkhawmna Nov. 14, 2017 (5pm – 9PM) neih diing, chih ahi. TBMC in saptuam pumpi kiheltheihna di'n Prayer Point te hawm in, omna mun chiat a, alemtang bang a thumna neih theihna din panlak hi.

D. MISSIONS SUNDAY (JANUARY 21, 2018):

January 21, 2018 Chiang in Missions Sunday zat sawm ahi. Thugentu Pastor N Tuang Lang leh Pastor H Biakson hi diing hi. Thupi "Tanchinhoih kipahhuai" (Romte 10:15) hi diing hi. Kisakkholhna lamzang taka apai touh theih zelna diing leh Pathian' deiha bang a zat ahiththeihna diing in thumna ah phawk chiat ni.

E. MISSIONARY VAKNA:

I Saptuam in Missionary Vakna toh kisai in hihtheih bangbang in panla hi. Missionary Vakna thuchiam (Pledge Card) kihawm hi. Tamtak in thuchiam chiam uhi.

Missionary Vakna tutan in Rs. 6,92,720/- kimu suah ta.

EVANGELICAL BAPTIST CONVENTION CHURCH, DELHI TUALSUNG BAPTIST DORCAS FELLOWSHIP (2017-2019)

Thupi "Na omdan uh leh Khrist tanchin hoih kituak sak photphot un" (Philippite 1:27)

Nasepdan Report (1st April to 28th December)

Amasa pen in kum bul apat tunitan hon pitung a, report pethei dia hun hoih hon musak tu' i biak Pa Pathian min i phat ahi.

April 1, 2017 apat December 28, 2017 tan a Pathian gam na BDF te'n hih theih khom khom a I na sep te uh hiai anuai a bang in ka hon taklang hi –

Dorcac Day – cum – Nu te ni Headquarters lam te bikhiah sa' dt. 14th May (Pathianni), 2017 leh a ma ni dt. 13th May (kiginni), 2017 in TBDF te'n Numei te adi kia in Saptuam Biakin ah kikhopna leh kipolhkhawmna hun kinei. Kiginni pen in Local Pastor tegel leh Saptuam Upate tel in Numei te/Nu te Saptuam in a Pahtaak na hun, Hanthawn na hun leh kithuahkhawm na hun zat in om a, Pathianni a ni pini in saptuam mipi kikhopna Dorca te makaih na nuai ah zat in om.

Dorcac Fellowship neih na di toh kiton in TBDF member te tenna Bial 4 (Li)

in kikhen a, tua bial te'n kha khat a khat vei chiat Fellowship nei tou zel. Atam zaw in 2nd Saturday in kinei tangpi hi.

Kum teng a Hdqtrs. apan thu hong pai zel bang in Leitung Bup a Baptist Saptuam Hdqtrs. lam apat Numei te adia thumna ni dia kish IBWU Angawl thumna, 15th August, 2017 leh BWA Thumna Ni (Women's Prayer Day) 1st Monday of November, 2017 te, TBDF ten bial chih khateng fellowship hun te ah alemtang dan in ana ki zang chiat. Headquarters lam a pat thumna pitu ding hon khak te uh pansan in thumkhawmna ana kinei hi.

EBC bial pumpi Dorca pawl zankhovak thum khatveina, October 27 (Ziltawpni), 2017 hun in EBC, Delhi, TBDF ten Saptuam kahiang dang teng toh kithuahkhawm in Biakin mun pansan in kinei hi. Headquarters lam a pat thumna pitu ding hon khak te uh pansan in zankhovak thumkhawmna hun ana kizang.

Dorca Khawmpilian 41 vei na 7th - 10th September, 2017 sung EBCC saptuam pumpi huap a Dorca Khawmpilian kizatna hun ah, TBDF apat member 13 (sawm le thum) va kihel thei uh. Lapawl a Pathian va pahtawi na va nei uh a, Khawmpi sung a tanmun kipia te va su buching uh hi.

BCD/ Naupangpawl te Cultural Day, November 25 (Kiginni), 2017 in TBDF te/Nu te anhuan dia hon ngetna bang un va kishepkhiak sak.

TBDF Advance/Advent Krismas, nisim December 16 (Kiginni), 2017 in EBCC, Dwarka, biakinn mun ah kizang in, thu leh laa a kithuah khawmna a om ban ah Neek bawl na leng om hi.

Siatni – phatni a ki uap didan ki bawl dungzui in Dorca pawl min in October 21, 2017 in Nungak (L) Chingzanian luang puan a tuamna ki nei. Huanah, October 29, 2017 in Saptuam Upa (L) Upa Thawndouthang sunna programme hun in a luang Paite puandum in ki tuam hi.

Dansiangthou a pasal nei nungak khat om. Dorca pawl in Labu leh Bible ki pia.

Damlou leh Haksazawte Dorca Pawl min in kiveh tou zel. November 12, 2017 tan in damlou mi 12 (sawmlenih) kiveh ta.

Saptuam nipii ni deuh Good Friday, Silver Jubilee lop ni, Christmas ni chih te in TBDF ten lapawl ki sa.

Caretaker thak te innkuan a hong tun tung un Dorca ten vaidawna leh panpihna kinei.

Saptuam Upa thak nih te ading in 'Upa' uniform ki lei sak.

Biakin mun a Pastor quarter, Guest room leh Pastor Quarter Munirka ading insung van nen kilei sak.

Dorcac budget ah muh na di lam Rs. 2,46,124.00 ding in ki tuat a, zat khiak dia tuat ahih leh Rs. 3,10,035.00 ahi hi. Saptuam half-yearly audit report dungzui in total receipt teng Rs. 2,95,306.00 hi a, Payment teng Rs. 2,20,158.00 ahi. Closing balance ahihleh Rs. 75,148.00 ahi hi.

Tukum sung a Dorca pawl in a sum muhna tangpi te ahihleh Antangpham, Dish Wash leh Dustbin bag zuak chih te ahi uh hi. Huai banah, Dorca pawl in zuakding in nampuan/puandum ki kem gige a, hunteng a leithei gige di'n om hi.

Dorca milip 467 nos. lakah antangpham pia numei 81 nos. pha in, sawm a khat pezah 111 nos. pha hi.

Thukhitna: Maban a sepkiak ding omlai ahiehleh, Laisiangthou (Thukhun lui leh a Thak) simsuak tampen te Lawmman piak diing, Lawmman hawm na March, 2018 tan a neih diing.

Kumthak ah nasep lam tuam tuam – thohlawm a Pathian biak, damlou veh, haksazawte panpih leh La tungtawn a Pathian thupina pia a phatna la sak chih te semkhe tou thei zel ding in Pathian hatna muangkawm in

WELCOME ALL

Tuni EBCC Delhi a biakkhawmna hun hong uap Toupa misiangthoute I Toupa Jesu Khrist min in itna chibai buk in kon vaidawn uh.

Nou toh Pathian bekhawm-phatkhawm a om nuam kasa ua, lemtang omchia nong kikhop zel uh ka lamem uhi.

BYF SECRETARY YEAR END REPORT 2017

KIVAIPUAKNA & NNA HAWMDAN

BYF Delhi Committee Members (CM) 15 pha a, kivaipuakna ah Office Bearers (OB) om a, department 3 in kihawm hi - Music, Program leh Logistics & Welfare. Tuailai Area 9 a khenzak in om: Bersarai, Dwarka, JNU-Vasant, Kishangarh, Munirka, Pushp Vihar, RK Puram, Safdarjung-Mohammadpur-Nanakpura leh South Ex-Jamia. Area chih enkai ding Coordinators leh Assistant Coordinators (Coordinators) 35 kishah hi.

BYF CM sung ah area enkai ding kihawm sawn hi. Coordinators te'n veng sung a tuailai te kaikhawm in, veng fellowship neihpih zel ua; BYF Delhi' project (Project Nehemia) phungvuhna, tuailai milip kiang ah kaikhawm zel uhi.

NNASEP KHIKTE

Tu term sung a sep-le-bawl leh kizatnate hiai a nuai a bang ahi:

I. ACTIVITIES

1. Area Vehna

BYF CM in Area te hiai bang in sikuak: Kishangarh (May 13), Dwarka (June 3), RK Puram (July 1), SaMoNa & SouthEx-Jamia (July 22), JNU-Vasant (July 29), Pushp Vihar (Aug 5), Bersarai (Sept 9) leh Munirka (Sept 23).

2. Ushering

April-December sung Pathianni 2:00pm biakna kikhop hunte ah, ban ah Saptuam Silver Jubilee lopna hun (June 21-24) leh Krismas hun ah, ushering nna kitem.

3. Laibu lui kaihhawmna (July)

Mizoram Division a i saptuam skul te' library a zat ding, laibu kaihhawmna kinei.

4. BYF Choir

Pathian pahtawina din BYF Delhi in hiai bang a lapawl lem in ana kisa hi:

i) Ei biakinn biakna hun ah - 4 vei: Palm Sunday, Easter Sunday, June 18, Krismas

ii) EBCC Delhi Silver Jubilee lopna hunsung ah - 3vei

iii) Kuankhiatna ah - 4 vei: EBCC Central Delhi Thanksgiving (April 23), Delhi Mizo Inkhawm Golden Jubilee (May 7), Kuki Worship Service Delhi Silver Jubilee (Oct 29), ZCF Joint Advent Christmas (Dec 2)

5. Saptuam/Fellowship dangte toh hun zatkhawm

Delhi Mizo Inkhawm in May 7 a Golden Jubilee a lopna; Kuki Worship Service Delhi in Oct 29 a Silver Jubilee a zatna; leh ZCF in December 2 a Joint Advent Christmas a saina hunte va ki-uap thei a, lapawl khat chiat va kipia hi.

ZCF Delhi' in "Inter Church Football Tournament 2017" a saina ah i saptuam min in team 2 va kipang a, September 30 final ah EBCC-A in vualzohna la hi.

II. EVENTS

1. Department dang toh sephawmna

i) Missionary Day (May 6 & 7)

TBMC toh pangkhawm in "Workshop on Practical Missions & Tent Making" leh "Missionary Day" manpha tak kisai. Thugentu Rev. S Nengzakhup, Executive Director, NECTAR ahi.

ii) Music Fest 2017 (Aug 27)

Worship Team toh pangkhawm in thu leh laa a phat khawmna chituam deuh hunseh kizang. Rev N Pumsuanmung, Youth Coordinator in thutak sinsakna hong nei. Mimal 12 leh band/group 7 in hiai hun in phatna laa hong sa thei uhi.

2. Melthak vaidawna (Aug 6)

Delhi hong pai thak te vaidawna hunseh kizang. Melthak 48 vel dia hisap lak ah, mi 24 hong tel thei. Kipahpih thilpiak piakna leh thumopna manpha tak kinei.

3. Tuailai Day 2017 (Oct 21 & 22)

Biakkhawmna, thu & laa a kitaitehna leh Pastor James Chinjemvel (Grace For All Ministry) apan thugenna hun in kizang. Area te a din hiai bang kitaitehna kisai hi: Group - Lengkhawm, Acapella, Laphuah; Individual -

Debate, Quiz, Topical Sermon, Bible Verse Typing, Bible Verse Zonna.

4. Tuailai Outing (Nov 11)

Vasant Kunj Sports Complex ah kipolhlim khawmna hun thoveng tak a zat in om. Area te hiai bang in kishakhin: i) Esther - Munirka Area; ii) Mary - JNU-Vasant, Bersarai, Kishangarh Area; iii) Rakil - Dwarka, RK Puram, Pushp Vihar Area & iv) Ruthi - SaMoNa, South Ex, Jamia Area. Numei/pasal, individual/group kidemna item 20 kisai khia hi.

5. Advent Christmas Night (Dec 23)

"Jesus Came to Save Us" thupi pansan in Krismas lengkhawmna hun kizang. Pastor H Thiankhanmuan (PCI-R) in Krismas Thupuak genna nei.

III. PROJECTS

1. Project Nehemiah IX

Project Nehemiah meisel paitouzel. Tukum budget Rs 1,20,000 (BYF Central Delhi Rs. 20,000 in hong pang) kiguang, kimukheta. Hiai project a di'n tuailai kiphal khat in laptop zatlai 1 hon thoh hi.

2. Sound System Project (Rs 3 lakhs) Hiai saptuam' project sepsuahna, BYF' in ma la. Fund raise na din biakinn kong ah box doh in om zel a, huailou in Calendar 2018 kilawm mahmah, copy 500 ngut kibawl. A zuakna pailael.

IV. KIPAHPIHNA

Tuailai etton tak te chiamtehna leh pahtawina kipahpihna, hiai anuai a bang in piak ding kigel hi:

1. EBC Saptuam dan a koppih neite:

Tutan in kop 2 kiang ah memento piakna kinei. Maban a piak ding bangzah hiam a kineih ziak in kipahhuai kisa.

2. Nipi Skul Exam a Honours Certificate mute:

Tuailai kum in a huam, mi 2 piak theih di'n om hi.

3. Bible simsuakte

Tuailai kum in a huam, mi 8 piak theih di'n om.

V. BUDGET

Term sung a muh dia ngim zah Rs 2,71,218 lak ah, tutan in Rs 2,55,272 kimu khe ta a, Rs 15,946 in samlai hi. Tutan in Rs 1,16,605 kiseng ta hi.

VI. MABAN A PLAN

Year Plan a kiguang, a tamzaw sepsuah hita. Mahleh, solfa training sai ding chih leh saptuam dangte toh fellowship zat khawm ding, chih te a lemdan a ettouh di'n kigel hi. Huaiban ah, saptuam ni poimoh te ah ahitheitan a lapawl piak zel ding in kihanchiam hi.

BCD SUNGA A NASEPDAN TOMKIM (JAN 2017-DEC 2017)

BCD Thupi: Khrist a dia sehtuam (1 Peter 2:9)

BCD Advisor: Pastor H Biakson

BCD Superintendent: Upa H Zabiak

Toupan hon ompih a, 2017 kumbul apat tuni dong hon kemtou a, akalin naupangte leh sinsaktute damlou in ki-om zel mahleh, hinna damna hon humbittu Pathian in kimtakin kumtawp hon musak a, Toupa min i phat ahi. BCD kivaipuak nangin financial year kizui lou a calendar year kizui ahiman in Report ah Jan 2017 – Dec 2017 tan kitaklang hi.

Nipini zatdan tangpi:

Nipini Devotion zatdan tangpi:

Nipimasa: Khathak Thumsakna leh Thugenna (Pastor H Biakson, Advisor BCD)

Nipi Nihna: Singspiration

Nipi Thumna: Thugenna (Upa H Zabiak, SP BCD)

Nipi Lina: Contest

Nipi ngana: Nipi ngana omkhakna khate ah alemtang bang in programme kibawl zel hi

Khanisunga Bible chang etlough a theih naupangte kipia a, hiai Bible chang Khanihna a Nipini nanung pen ah Pawlchih ki genkhawm sak zel hi.

Bible Sima thumna: Senior Pawl leh Inter Pawl

Pawl kikhenna: Pawlchih kikhin in sinlai bu a pat sinlai te sinna om hi
 Beginner A: Sinlai Thulidawng I/Sinsaktu Ntp Pausonlal leh Htn Ngaikhanching/ Sintu naupang 54
 Beginner B: Sinlai – Thukidawng I/Sinsaktu Htn Chingliankim, Htn Chinngaihlan leh Htn Dimthianching/ Sintu naupang 27
 Primary A: Sinlai Bible a Mithupite /Sinsaktu Htp Pausianmung leh Htn Chiinkhanching / Sintu naupang 15
 Primary B: Sinlai Bible a Mithupite /Sinsaktu Htp Thangxianmung leh Htn Chiinsonkim/ Sintu naupang 17
 Junior A: Sinlai Khros Sepaih Hangsante I/ Sinsaktu Htp N Thangxianmung, Htn Za Hming Thang leh Htn Vungngaihlian /Sintu naupang 15
 Junior B: Sinlai Khros Sepaih Hangsan I/ Sinsaktu Htn Ching Lydia, Htn Ngaibiakching leh Htn Routhlamuan /Sintu naupang 19
 Inter: Sinlai Khristian Kibulphuhna/Sinsaktu Htn Ngainunmawi leh Htp Jam Chin Lam /Sintu naupang 25
 Senior: Sinlai Thu up Bulpite/ Sinsaktu Htn Mankhanning leh Htp Nicky Ginlallian/ Sintu naupang 16

Sinlaibutte pansan a Examna nivei kinei:

Kumkim Exam: 132 lakah 109 in exam pia. 37 in 100 laka 90 sah tamzaw mu.
 Kumtaawm Exam: 188 lakah 130 in exam pia 34 in 100 laka 90 sah tamzaw mu.

BCD ACTIVITIES

- Tukum Palm Sunday** in tumnah tawi in Biakkin kimvel ah Pathian Phat in Hossana chia kikouna hun kizang a, huaizoh in Biakkin ah lut in Phatna la kisa hi.
- Easter Sunday** ni in Biakkinpi ah Phatna la Inter-Senior ten sakna nei uhi
- Naupangte ni** June 11 2017. Thugentu Pastor H Biakson
- July 2017 khasung **Tonic Solfa leh Music Zilna** hun in kizang a, la khenkhat a solfa in kisakpih a, Modulator sinna hun kinei hi. Hiai hunah thugenna Htn Lydia, Htp Mungte leh Htp Sianmung in nei zel uh a, a thupi di'n Tonic Solfa/ Music/ Praise n Worship chihthe kizang hi.
- Nute' ni/Pate' ni/ Tuailai Day** ah Lasakna leh itna thu-le-la/thilpiak gen-le-sakna, piakkiatna kinei hi
- Silver Jubilee** : Drama. Toupa Lamtough Saptuam chih pansan in lemchiin lahna kinei hi
- Cultural Day 25/11/2017** (Zu-le-va bang gammual i omlai ua a Tapa Jesu Khrist tungtawn a hon zongkhia Pathian ahi chih leh i Culture zaw Khris Culture hita ahi chih kisinsakna hun kizang a, thugentu din heutupa Rev. B Chinkhengoupau, Child Co-ordinator, EBC, pang hi.)
- Graduation Day 26/11/2017** (BCD a pat piching lutdi omte a ding a Graduation Day chih minvuah in hiai ni in Programme kizang hi. Thugentu in Heutupa B Chinkhengoupau , Child Co-ordinator, EBC, pang hi. Graduate-te'n ah Pastor H. Biakson, Advisor BCD, makaih in hunseh 12/11/2017 in JNU Campus ah nei uhi. Tukum Graduate-te:- T. Gouchinlam, Justin Luaithang, H Lalthanlian, H Lunmuanlal, Ngaimuan, T. Songminthang, Thanglalliana Vualnam leh Kapsawmsang Tonsing ahi uh)
- BCD Advent Christmas 17/12/2017**(Christmas Message Htp Upa H Zabiak SP, BCD apat om a phatnala sakna naupangte leh sinsaktute apat om a , gift exchange, cake cutting leh lawman hawmna om hi)
- Special No** Beginner A leh B in 24/12/2017 in Biakinn pi ah piakna nei uh a, Primary- Senior in 25/12/ 2017 in neinawn uhi.

BCD Fellowship:

- Khateng a Nipini Nanung pen in sinsaktu ten Prayer Fellowship kinei

zel hi.

- Departmental Fellowship ah sinsaktute atamzaw ve kitel hi.
- Parents-Teacher Prayer Fellowship(Inter/Senior, Junior, Primary, Beginner)
- One Day Seminar Inter leh Senior te a di Pastor Letlal(Gingtute leh tulai khovel) leh Pastor N Tuanglang (Khristian Innkuan tungding dinga kisakkholhna)Resource persons in pang uhi.
- Sinsaktu Orientation
- BCD Outing 28/10/2017@ Vasant Kunj Sports Complex

Sum Muhna

- BCD toh kisai Budget guanna om tuanlou himahleh senna di a om chiang in apoimoh dungzui in TBSUC ah ngetna kipiaklut thoh zel hi.
- Kaalteng nipi thohlawm naupangte leh sinsaktute a pat lakkhawm omte BCD khut ah lut hi.

Sum Dinmun.

BCD khutah ah Rs.43224/-(Chest leh in-hand a om gawmkhop) omler hi.

BCD Year Plan 2017 leh BCD Year Plan 2018

BCD Year Plan 2017 a kiguangte a tunga Report ah omkhin vek ahin man in a thak in hiai mun ah hong kitaklang lou ahi.

BCD Year Plan 2018 toh kisai taklattuak khenkhatte

Thupi: Nang Vualzawlina hi in. Gen 12:2

Nipi Skul Patni 21 January 2018

Nipi skul patpah hinaikei mahleh Kumbul apat Nipini BCD Devotion om veve ding ahi.

NIPINI NAWN BIAKNA HUNZEK

January 07, 2018

9:30 AM : Annngawl Thumna

PITU : Pastor N. Tuang Lang

11:00 AM : ZINGLAM BIAKNA

Thupi: Nang vualzawlina hi in (Genesis 12:2c)

| | |
|-------------------------|---------------------------|
| Biakna & Phatkhawmna | : Worship Team makaih in. |
| Thilpiak Latna | : Upa L. Ngulminthang |
| Thugenna/Thumsakna | : Pastor |
| Biakna & Phatkhawmna | : Worship Team makaih in. |
| Hunkhakna & Vualzawlina | : Upa T. Thianzakham |

02:00 PM : SUNNUNG BIAKNA

Khateng Thupi: Pathian Kumpigam leh Vualzawlina (Genesis 12:1-9; Matthai 5-7)

| | |
|-----------------------|--------------------------|
| Biakna leh Phatna | : Worship Team makaih in |
| Thilpiak Latna | : Upa Damsawmthang |
| Special No. | : |
| Thugenna | : Pastor |
| Hunkhakna/Vualzawlina | : Upa Khamkhanpau Guite |

*Thugen & Lasakte tungtawn a
 Toupa' vehna tangngei din kisa ni.*